

**C ჰეპატიტის სკრინინგის სერვისის მიწოდების თავისებურებები საუნივერსიტეტო პოპულაციაში
სალომე ახალაია¹, თამარ ლობჯანიძე², გიორგი კამკამიძე³**

საქართველოს უნივერსიტეტი, ჯანმრთელობის მეცნიერებისა და საზოგადოებრივი ჯანდაცვის სკოლა
¹სტუდენტი ბაკალავრი, ჯანდაცვს ადმინისტრირება; ²ხელმძღვანელი, სკოლის დირექტორი;
³ხელმძღვანელი, პროფესორი

C- ჰეპატიტი სისხლით გადამდები ინფექციაა. ათიდან ორი ადამიანი თვითგანკურნებადია, მაგრამ დანარჩენ რვა შემთხვევაში დაავადება გადადის ქრონიკულ ფორმაში. თუ არ მოხდა C ჰეპატიტის დროულად დიაგნოსტიკა და მკურნალობაც დაგვიანდა, ასეთ შემთხვევაში 20%-ში მოსალოდნელია ციროზის განვითარება. ჯანმრთელობის მსოფლიო ორგანიზაციის მიერ ჩატარებული კვლევის თანახმად, საქართველოში დაახლოებით 200.000 ადამიანი C ჰეპატიტით.სხვადასხვა წყაროებიდან მიღებული მონაცემები, რეგისტრირებული B და C ჰეპატიტის მზარდი შემთხვევების შესახებ კიდევ ერთხელ მეტყველებს ტესტირების ჩატარების აუცილებლობაზე (WHO/ჯანმო, 2015). დაავადებათა კონტროლისა და საზოგადოებრივი ჯანმრთელობის ეროვნული ცენტრის სტატისტიკური მონაცემების მიხედვით (NCDC საქართველო-2014) მაქსიმალური ინციდენტობის მაჩვენებელი გამოვლინდა 30-59 წლის ასაკის მოსახლეობაში. ბოლო მონაცემები, რომლებიც მოწოდებულია საქართველოს შიდასისა და კლინიკური იმუნოლოგიის კვლევის ცენტრის მიერ, გვიჩვენებს, რომ C-ჰეპატიტის პრევალენტობამ მიაღწია 6.7 %-ს და შეადგენს დაახლოებით 200 000 ადამიანს საქართველოს ზრდასრულ მოსახლეობაში. ეს ყველაზე მაღალი მაჩვენებელია აღმოსავლეთ ევროპასა და ცენტრალური აზიის რეგიონში. კვლევის მიზანია ნათელი გახადოს თუ რა მეთოდებითა და ხერხებით ხდება C-ჰეპატიტის სკრინინგის ინფორმაციის მიწოდება სტუდენტებისათვის, აგრეთვე რამდენად ჯეროვანია ეს ინფორმაცია. მიზანს წარმოადგენს შეისწავლოს ქართველი და უცხოელი სტუდენტების დამოკიდებულება C-ჰეპატიტის სკრინინგისადმი და დაადგინოს მათი ცნობადობის დონე ამ კონკრეტულ ინფექციურ დაავადებასთან მიმართებაში.

აბრევიატურა: WHO/ჯანმო-ჯანმრთელობის მსოფლიო ორგანიზაცია; Ncdc- დაავადებათა კონტროლის და საზოგადოებრივი ჯანმრთელობის ეროვნული ცენტრი; Pcr-ტესტი რომლითაც გენეტიკური კოდის გამრავლება ხდება

საკვანძო სიტყვები: C ჰეპატიტი, სტუდენტები, ცნობადობის დონე, თბილისი